

Visoki predstavnik posjetio Regionalni centar Uprave za indirektno oporezivanje u Mostaru

Visoki predstavnik Valentin Inzko posjetio je danas Regionalni centar Uprave za indirektno oporezivanje (UIO) u Mostaru i sastao se s direktorom Uprave Mirom Džakulom. Visoki predstavnik naglasio je važnost i uspješnost sistema indirektnog oporezivanja za ukupnu makroekonomsku stabilnost i fiskalnu održivost u Bosni i Hercegovini.

Sistem indirektnog oporezivanja – sa UIO kao njegovim centralnim uporištem – direktno koristi svim nivoima vlasti u BiH, bez izuzetka. U periodu između 2005., kada je Uprava počela s radom, i 2013. godine, prikupljeno je više od 46 milijardi KM.

„To je impresivan rezultat. Nema nikakve sumnje da sistem indirektnog oporezivanja i UIO predstavljaju jedno od najvećih postignuća Bosne i Hercegovine u posljednjem periodu. Ponosan sam na ulogu koju je OHR u prošlosti odigrao u uspostavi UIO“, rekao je visoki predstavnik.

„Umjesto da osporavaju Upravu za indirektno oporezivanje, političarima bi bilo pametnije da pokušaju odgovoriti na pitanje koje postavlja tako veliki broj građana ove zemlje: kako su izabrane vlasti potrošile naš novac? Kako je taj novac, prikupljen od građana i firmi u ovoj zemlji, iskorišten da se otvore nova radna mjesta, da se riješi raširena korupcija i poboljšaju ključne usluge kao što su zdravstvo i obrazovanje?“, dodao je visoki predstavnik.